

Sub nomine *necroseos ossium* intelligit ill.
 WEIDMANN*) illum morbum, „quando vis
 ossium vitalis alicubi omnino extinguitur vel
 extincta est, vt pars illa nutrimento suscipi-
 endo imposterum inepta absoluatur et deci-
 dat.“ Differt haec definitio aut descriptio
 naturae huius morbi a sententia aliorum
 scriptorum, qui tum necrosis ad cariem
 ossium, tum ad spinam ventosam, tum ad
 paedarthrocacen retulerunt: differt quoque
 a celeberrimi olim Chirurgi Rothomagensis,
 DAVID**) opinione, qui ossis demortui se-
 paratio-

A 4

*) Lib. cit. pag. 6.

**) *Observations sur une maladie d'os connue sous le nom de nécrose.* Par. 1782. 8. Germanice legitur
 haec Commentatio in *Sammlung auserlesener Abhandlungen für Wundärzte*. Stück 7.

parationem et periosteum circumducti ossificationem semper in hoc morbo adesse contendit. Apud anglicos Chirurgos idem morbus plerumque vocatur *exfoliatio ossis interna* (internal exfoliation), quia illi sibi singunt, interioris laminae ossium perditionem et separationem pro causa huius mali habendam esse: displicet autem haec denominatio, quia non interiora ossis tantummodo, sed etiam exteriora, hoc malo adficiuntur, immo tota ossis substantia interdum vitio illo correpta est.

Ad morbi naturam pertinere videtur ossis aliqua destructio et demortuae partis separatio, quae ramentum vel frustum format, quod gallici scriptores *sequestre* dicunt. Id latet in ipso osse, si ad interiora pertinet, aut incumbit ossi, si morbus exteriora tantummodo adficit: mobile est plus minusue; pro vario separationis vel incipientis vel peractae gradu: digito vel specillo in fistulas, quae in partibus mollibus adsunt, immisso, facile plerumque percipitur. Hoc ramentum successu temporis per fistulas eiicitur, tum frustatim, tum integre: quo diutius durauit morbus, quo maiores sunt vires

vires naturae, quo viuidior est vasorum absorbentium actio; eo asperior solet esse frusti illius superficies et quasi porosior substantia atque a fani ossis habitu differentia. Si vitium simplex est, nec cum miasmate quodam aut cum cum alio ossis vitio coniunctum; fistulae sponte coalescunt et partis adfectae sanatio perficitur post peractam ramenti ejectionem: tumor partium mollium, qui durante morbo adfuerat, tunc diminuitur et tandem penitus cessat, remanet vero aliqua ossis intumescens: color cutis ruber et liuidus in naturalem transit.

Ad caussas morbi quod attinet, non est, cur illis exponendis immorer, cum omnes ac singulas curate et copiose exposuerit Ill. WEIDMANN, quem meritis laudibus supra iam allegavi. Liceat tantummodo paucis addere, malum hoc saepe oriri a refrigerio locali, in primis in extremitatibus, si per aliquod tempus corpus nudum aut male vestitum humido et frigido loco expositum fuerit. Docent haec obseruationes, quas infra retuli. Consentientem mecum adduco

Cel. DAVID*), qui saepe hunc morbum vidi et felicissime curauit.

Nulla aetas aut vitae ratio immunis est hoc morbo, qui sexum sequorem pariter ac potiorem inuadit. Plerumque tamen illi adficiuntur homines, qui contra coeli intemperiem corpus tueri nequeunt: morbus igitur potissimum est hominum vilioris conditionis,

Specimina ossium necrosi adfectorum delineata inneniuntur variis in scriptis, quae allegauit Ill. WEIDMANN, qui ipse optimas et elegantissime exaratas tabulas huc spectantes dedit. Plura eiusmodi ossa vidi in cl. PRAESIDIS thesauro anatomico, qui omnia non solum, quae Cel. DAVID collegerat specimina, sed et varia alia continet, ex quibus originem, incrementum et decrementum morbi, pariter ac ipsam curationem, illustrari posse equidem mihi persuadeo.

Curatio

*^o) *I. cit. pag. 9.* „Je n'ai vu qui ont dû leur origine à l'imprudence de s'être couché sur des terrains humides.“

Curatio morbi, vt supra iam indicaui,
solis naturae viribus interdum perficitur*),
sed multum temporis requiritur eum in si-
nem, ac facile exhauriuntur vires aegroti,
aut accedit febris hectica ex absorptione pu-
ris enata. Opus igitur esse videtur, vt ars
in auxilium veniat, idque breui tempore
absoluat, quod natura lente et maiori
vitae periculo efficit. Si demortua ossis pars
e fistula prodit, sufficere videtur sola incisio
integumentorum et suppurationis excitatio
ac promotio, vt docet obseruatio nostra 1.
Si vero profunde latet illa pars, vel si firmiter
ossei inhaeret, vi aperienda est, qua illa
eduici possit. Tunc incidendae et remouen-
dae sunt partes molles, vt ipsum os affectum in
conspectum veniat, quo facto, vel trepano ape-
riendum est cauum ossis, vel caeli malleique
ope remouendum est id, quod impedit quo
minus frustum demortuum educatur. Haec
methodus optima et naturae morbi quam
maxime conueniens videtur, praesertim cum
oppor-

*) KVNDMANN *Rariora naturae et artis.* Vratislav.
et Lips. 1737. fol. pag. 882, Exstat ibi icon fru-
sti ossei demortui quatuor pollicum, quod sponte
expulsum est ex humero puellae annorum X. Alia
eiusmodi exempla apud alios scriptores leguntur.

opportunitatem quoque praebeat ea simul remouendi, quae in ipso osse morbose affecta fuerint. Sanatio vulneris simplicissima est nullaque fere remedia, nisi ea quael in aliis vulneribus curandis adhiberi solent, requirit: remanet autem ossis crassities, si antea iam adfuit. Haec vero, quia ex observationibus nostris patent, fusius enarrare nolo, sed statim ad ipsas historias morbi transeo.

OBSERUATIO. I.

Carolus QUANDT, annos natus XII. e pago Pfiffelbach in nosocomium Instituti clinici venit sub finem mensis Augusti ann. CIOLOCCLXXXI.

Necrofi humeri sinistri affectus puer retulit, se æstate anni praeteriti in superiori humeri parte percepisse dolorem, quem ab ictu perpetuo enatum esse tunc sibi persuaserat. Dolore quotidie fere incremente chirurgum aut potius barbitonforem in vsum vocauit, qui emplastrum aliquod adhibuit: quo

quo facto, exortus est in illo loco tumor inflammatorius abscessum tandem formans, quem, phlebotomo vulgari aperuit chirurgus. Affluxit larga puris copia sine notabili doloris diminutione et breui post tria orificia fistulosa in vicinia huius partis sponte adparuerunt, e quibus sensim sensimque festucae osseae paruae prodierunt. Tum correptus est puer variolis, quas felicissime superauit, et si nulla remedia adhiberentur, tandemque post aliquot hebdomadas fistulae coaluerunt. Deinde, praeterlapsis circiter mensibus duobus, denuo intumuit humerus et nouae fistulae enatae sunt, e quibus sponte prodierunt festucae osseae. Mater pueri varia emplastra adhibuit: cum vero illorum adapplicatione morbum non superari animaduerteret, nosocomium nostrum adiit.

Instituto aegroti examine statim adparuit, puerum laborare vermibus. Quod vero ad ipsam partem affectam attinebat, tres aderant fistulae in superiori humeri parte, ad pollicis et quod excurrit latitudinem a se inuicem distantes, lineamque rectam a superiori ad inferius ductam occupantes. E superiori fistula prodibat apex festucae osseae
firmiter

firmiter ossi adhaerentis: per inferiora orificia specillum ad os vsque facile penetrabat. Datum puerο est per aliquot dies electuarium anthelmiathicum STOERCKII, per cuius usum magna copia lumbricorum et muci tenacis expulsa est. Tum cl. PRAESES tria illa orificia fistulosa per incisionem in longitudinem ad os vsque ductam in vnicum vulnus vniuit illudque idoneis remediis ad suppurationem excitare annisus est. Enata suppuratione mobilior evasit festuca ossea, adeo, vt die III. Septembris facile extrahi posset. Tum nouum in conspectum venit ex media vulneris parte frustum osseum, longe maius, quod primo die Octobris volfellae ope nulla fere vi adhibita eductum est: erat ipsi longitudo pollicum duorum latitudo pollicis circiter dimidii. Post aliquot dies nonnullae minores festucae osseae cum pure exierunt, quo facto vulnus tandem coaluit, ita, vt medio Nouembris puer plane restitutus optimaque valetudine fruens e nosocomio dimitteretur. Notandum est, praeter vnguentum digestuum, quod initio adhibitum est, nulla fere remedia externa in usum vocata esse, nisi decoctum corticis peruviani cum melle rosarum et pauxillo tinctu-

tincturae myrrae mixtum, cuius ope vulnus per aliquod tempus sub quauis deligatione expurgatum est. Versus finem curationis linteo carpto sicco vulnus quotidie deligatum est.

OBSERVATIO II.

Dorothea Rosina SCHMIDT, ex vrbe Neu-stadiensi ad Orilam, viginti annos nata, necrofi ossis humeri dextri laborans, medio mensis Septembris 1782 in clinicum Institutum recepta est. Examinata parte adfecta, humerus in articulo superiori et inferiori mobilis quidem, sed tactu durus adeoque tumidus ac veluti inflatus reperiebatur, vt naturalem crassitatem bis fere superaret: vlcera fistulosa, carne luxuriante cincta et ichorem tenuem ac foetidum effundentia, quorum quatuor in anteriori, tria in posteriori superficie aderant, specillum admittebant ad ipsum vsque ossis cauum, eoque modo inter se communicabant, vt aqua tepida cuilibet orificio iniecta per reliqua omnia libere efflueret: ipsum vero, quod

quod Galli *sequestre* vocant, demortuum et separatum ossis frustum specillo detegi non poterat, et si reliqua, quae iam exposita sunt, morbi signa ipsius praesentiam distincte indicare viderenter. Ceterum cachectica erat puella et menstruorum suppressione labrabat.

De morbi origine ac decursu interrogata aegrota respondit, se mense Aprili praeteriti anni, cum aestu solis et labore defatigata fuisset, somnum cepisse in aruo humido et subitaneum refrigerium inde sibi contraxisse in humero dextro: e somno expperrectam se statim sensisse in illa parte dolorem pungentem cui breui post accesserit febris satis vehemens; post sex vel octo dies humerum intumuisse et rubro colore ac maiori dolore affectum esse, haec vero symptomata molesta per cataplasmatum emollientium adplicationem ita sensim diminuta esse, vt brachio suo aliquo modo vti posset, et si tumor remaneret. Factum deinde esse, vt, cum onus aliquod mouere tentaret, sonus perciperetur in brachio affecto, quasi diffracti ossis: breui post infecutum esse nouum tumorem cum rubore et dolore longe vehemen-

vehementiori: varia remedia externa et interna in usum vocata esse sine leuanius: post sex menses exortum esse in posteriori humeri parte tumorem durum et dolentem, circumscriptum, ex eoque, cum cutelli ope aperiretur, effluxisse sanguinem ichorosum: deinde alios eiusmodi tumores adparuisse, qui tandem vlcera fistulosa ichorem foetidum effundentia formauerint.

Contra hoc malum cum varia adhibuit medicamenta, tam interna, quam externa, a pluribus Medicis et Chirurgis ipse praescripta, Jenam venit aegrota atque clar. PRAESIDIS auxilium implorauit. Persuadebat sibi, fore, ut solis remediis internis sanguinem depurantibus morbus curari posset, nobilitatque manum chirurgicam sibi adhiberi: sed cum PRAESES ipse diceret, nullam superesse, nisi chirurgicam, opem, subiiciebat se tandem dirae necessitati.

Instituta est operatio die XVIII Septembris, praesentibus omnibus Collegii clinici membris. Aegrota in situm conuenientem

collocata et torculari in ipsa plica axillae ad-
plicato, duarum incisionum semioualium
ope *icutis* longitudine septem pollicum Pari-
sienium discissa et tota iisdem comprehen-
sa pars, quae fistularum orificia continebat,
a tela celluosa separata et remota est. Dis-
cissi deinde sunt musculi per longitudinem
vsque ad os, vt maiora vasa, quantum id
sieri posset, euitarentur. *Tum* diductis par-
tibus mollibus digitorum et vncorum plano-
rum ope, periosteum, quod crassissimum
erat, ablatum et ipsum os denudatum est,
quo facto caeli adplicatione et mallei plum-
bei ictibus tota ossis affecta pars remota
est, ita, vt cauum medullam continens pla-
ne aperiretur. Ablatis hoc modo XXXIV
ramentis osseis, tandem in conspectum ve-
nit frustum demortuum in ipso ossis cau-
latens, quatuor pollices longitudine aequans,
quod volfella prehensum et facile extractum
est. Quod cum factum esset, aliud eius-
modi frustum detexit cl. *PRAESES*, illudque,
ablate caeli malleique ope alia ossis humeri
parte, integrum extraxit: latius id erat pri-
ori et paullo longius. Tota haec operatio
per horae spatium durauit: sanguinis iactu-
ra modica fuit nec lipothymia correpta est

aegrota,

aegrota, quippe cui per interualla permisum erat, ut vires recuperaret et pauxillum mixturae analepticae ex aqua cinnamomi et syrupo quodam grato compositae sumeret. Tandem linteo carpto sicco molliori repletum est ossis cauum, superimpositum est splenium spiritu vini humectatum et totus deligationis adparatus fasciae spiralis adplicatione absolutus est.

Peracta hoc modo operatione, prescripsit cl. PRAESES diaetam antiphlogisticaam nec non usum pulueris ex cremore tartari et nitro compositi. Nulla infecuta sunt symptomata grauia, dolor modicus fuit, nec febris vellemens. Tertia post operationem die, cum prima vice deligatio mutaretur, aliquod suppurationis initium iam adparuit, quam ob cauissam labia vulneris vnguento digestiuo obtecta sunt, totum vero ossis cauum linteo carpto sicco molliori repletum est. Haec medendi ratio adhibita est ad diem usque decimum quartum, ita tamen, ut pulueris antea memorati in locum substitueretur decoctum corticis peruviani, quod per dies aliquot summis aegrota. Tum vero in superiori vulneris loco nouum frustum

osseum demortuum adparuit, quod largam
in hac parte excitauit suppurationem e fistu-
la effluentem, quam ad latus illius frusti
adscendere, specillum immissum ostendit.
Iniecta per aliquot dies essentia myrrhae,
tandem die VIII Octobris solutum est illud
frustum, ita, ut volsellae ope, non tamen
sine vi et aliquo dolore, extrahi posset. Lon-
gitudo illius quinque pollices Parisienses et
diameter integrum pollicem aequabat: in
superiori extremitate hamus aderat, cui difficul-
tas in extractione huius frusti obseruata om-
nino tribuenda esse videbatur. Educta hoc
adfecti ossis frusto vulnus in dies magis ad
sanationem accessit, ita tamen, ut in infe-
riori parte tres festucae minores osseae sen-
sim sensimque in conspectum venirent, quae,
discissis hac parte integamentis, facile solu-
tae et protractae sunt. Tum vulnus quidem
granulationibus repletum et cicatrice obdu-
ctum est, atque fistulae in posteriori humeri
superficie obviae sponte coaluerunt, in me-
dio vero vulneris remansit orificio fistulosum,
malum pus fundens nec sanationem admittens.
Quod cum variis remediis externis frustra trac-
tatum fuisset, denudatum est die XIII Nouem-
bris os per incisionem et caeli ac mallei ope id,
quod

quod morbo correptum videbatur, ablatum est: hoc autem non sine magno dolore et largo sanguinis effluxu factum est, id quod defectui torcularis, hac vice non in usum vocati, potissimum tribuendum esse equidem mihi persuadeo. Tandem medio Decembris absoluta est vulneris sanatio, et, adhibitis nonnullis remediis ad excitandum et promouendum fluxum menstruum idoneis, aegrota ex Instituto clinico dimissa est.

OBSERUATIO III.

Christophorus HEIDER, ex principatu Rudolstadiensi, annos natus octodecim, medio Nouembr. anni ~~1800~~ CCLXXXIII in numerum aegrotorum Instituti clinici receptus est. Necrosci affecta erat tibia sinistra in media sui parte: vlcera aderant fistulosa ad ossis cauum usque ducentia, ichorem foetidum effundentia: ipsum crus affectum tactu durum, tumidum et colore rubro aut potius violaceo infectum erat. Referebat aegrotus se iam quinque annos hoc malo laborasse, variaque remedia interna et externa frustra

adhibita esse. De morbi origine et causa interrogatus, respondit, se nullo antea morbo affectum fuisse, excepta scabie, qua tres fere ante hoc malum annos laborauerit. Habitus corporis cachecticus videbatur, aderatque febricula, hecticae indolis, quae vespertino tempore aegrotum vexabat.

Dato remedio laxante antiphlogistico, operationem instituit cl. PRAESES a. d. XXVIII Nouembris, praesentibus omnibus collegii clinici membris. Duarum incisionum semi-ovalium ope remota est cutis, longitudine quinque pollicum et latitudine pollicum circiter duorum, quo facto caeli malleique applicatione tota affecti ossis pars ademta est, adeo, ut ipsum ossis cauum pateret ac medulla in conspectum veniret. Ossis substantia spongiosa et aspera erat, frustum vero demortuum aut festuca mobilis non aderat. Profluum sanguinis satis largum aquae vulnerariae applicatione sublatum est, quo facto vulnus linteo carpto sicco impletum et obiectum solito modo deligatum est,

Breui post accepit aegrotus guttas XXV tincturae thebaicae. Vespertino tempore
prac-

praescriptus ipsi est puluis ex cremore tar-
tari et nitro compositus, quo per duos dies
vsus est. Pro potu ordinario sumfit aquam
citratam nec ullum cibum accepit praeter
iuscum e vitulina carne paratum. Febris
insequens modica fuit et dolor tolerabilis,
somnus vero inquietus et interruptus. Ex-
cretiones fere naturales erant.

Die I. Decembris prima vice deligatio
 mutata est. Inuenimus satis magnam copiam
 puris male olentis et sanguinolenti. La-
 bia vulneris tumida erant et inflammata,
 ossis vero denudati color albidus adparebat.
 Ipsum ossis vulnus impleuimus linteo carpo
 essentia succini humectato, labiis vero inte-
 gumentorum discissorum imposuimus plu-
 maceola vnguento illita, quod ex vitello ou-
 recentis et ex vnguento basilico ac pauxillo
 essentiae myrrae compositum erat.

Die II. Decembr. Febris nondum plane
 cessauerat. Adpetitum aegrotus sentiebat
 panisque frustum una cum iuscule sibi dari
 petebat. Sub deligatione vulneris labia mol-
 liora inueniebantur, aderatque puris melio-
 ris aliqua copia.

Die IV. Decembr. Accepit aegrotus decoctum corticis peruuiani cum saccharo lactis et pauxillo cremoris tartari, ac diaeta magis nutriens ipsi concessa est. Vulnus largam copiam puris boni fundens linteo carpto sicco obtectum est.

Die VI. Decembr. pulsum aegroti fere naturalem inuenimus. Continuatus est usus decocti corticis peruuiani sine cremore tartari. Vulnus pure laudabili obtectum et granulationes iam ostendens linteo carpto, corticis peruuiani decocto humectato, deligatum est.

Die X. Decembris squamula ossea per spontaneam exfoliationem soluta educta est. Deligationis ratio eadem fuit, quam supra exposui.

Die XIII. Decembris diarrhoea exorta est, quae valde debilitauit aegrotum, febrisque indicium in pulsu percepimus. Pus iusto tenuius repertum est in vulnere, cuius labia flaccida visa sunt. Accepit aegrotus corticem peruuianum in forma pulueris cum guttulis aliquot tincturae thebaicae, potuique

—8—
 potuique ordinario additus est spiritus vitrioli cum syrupo rubi idaei mixtus. Bis quoque de die aegrotus sumfit haustum vini albi. Hisce remediis adhibitis diarrhoea sensim cessauit et vires aegroti increuerunt, ipsum vero vulnus ad meliorem statum rediit.

Die XXX. Decembris frustulum osseum mobile e vulnere eductum est. Ob maiorem puris copiam bis de die deligatio instituta est. Adhibuimus semper fere linteum carptum siccum, ipsum vulnus vero decocti ex cortice hippocastani parati ope per lenem iniectionem purgauimus.

Die XIV. Ianuarii CICIOCCCLXXXIV putrefidue et quasi aquosum adparuit, quam ob caussam adhibuimus vnguentum digestium ad excitandam meliorem suppurationem. Pro vsu interno praescripsimus puluerem ex herba cicutae et cortice peruniano ac mercurio dulci compositum, mane et vesperi sumendum.

Die XIX. Ian. denuo extractum est frustum osseum mobile, quo facto plane dispara-

it tumor, qui regionem vulneris per aliquot dies occupauerat.

Die XXIV. Ian. vulnus granulationibus mollioribus impletum aqua phagedaenica nostrâ, quae ex mercurio sublimato in aqua fontana destillata soluto parata est, deligauimus.

Die XI. Februarii vulnus per plures iam dies linteo carpto sicco deligatum plane fere coaliatum et cicatrice obductum erat, ita, ut in medio tantummodo superesset aliqua pars, pollicis fere longitudine, quae nondum sanata erat. Aegrotus, nullum fere incommodum a vulnere percipiens pedeque satis bene incedens ex desiderio suo dimissus est ex Instituto clinico. Dedimus ipfi aquam calcis pro vſu externo. Aliquod post tempus iterum ad nos rediit pedemque plane sanatum nobis monstrauit.

OBSERUATIO IV.

Jannes Gattlob RABE, annos natus XI e page Altenburgensi prope Eisenbergam, die XVI Decembris circ̄ccccclxxxiii auxilium petuit a cl. PRAESIDE ab eoque in Institutum clin-

clinicum receptus est. Parentibus suis in prima infantia orbatus, omnium quam maxime inops, stipe in colligere et sub dio plerumque morari coactus erat. Anno aetatis quinto morbillis affectus paucis diebus sine ullo remedio adhibito ad pristinam sanitatem restitutus est, ita tamen, ut aliquid post tempus tumores nonnullos scrophulosos in collo perciperet, quos plane neglexit ac pro nihilo habuit. Anno aetatis nono a refrigerio in aruo humido per noctem perpetuo inflammatio erysipelatosa exorta est in crure sinistro: adhibuit varia emplastra, a barbitonibus et carnificibus ipsi data, quae malum non diminuerunt, sed auxerunt, adeo ut vlcera fistulosa plura orirentur ac tandem vera necrosis tibiae accederet. Dolore acutissimo quam maxime vexatus, tandem Jenam venit.

Instituto examine crus sinistrum tumidum inuenimus, adeo, ut dextrum crus crassitie bis fere superaret. Oedema aderat in dorso pedis et supra malleolos: e fistulis orificiis, quorum quatuor numerauimus, effluebat magna copia puris foetidi et specillum argenteum nigricante colore adficientis;

specil-

specillum ad ossis usque substantiam facile penetrabat: ipsum os tactu asperum erat; cutisque os in hac regione obtegens dura et rubro liuidoque colore affecta erat. Habitum corporis cachecticum, faciem flauescensem, pulsus paruum celeremque inueniebamus.

Dato leni euacuante antiphlogistico, operatio a cl^r. PRAESIDE instituta est a. d. XIX Decembris, praesentibus collegii clinici membris. Parte integumentorum discissa et remota, longitudine pollicum fere quinque et latitudine pollicum duorum, corrupta et morbo affecta pars tibiae caeli malleique ope sublata est, quo facto, vulnus linteo carpto sicco impletum spleniisque sufficientibus et fascia idonea inuolutum est.

Die XX Dec. exorta est febris inflammatoria vehementissima, adeo, ut pulsuum ictus numerarentur CXLIV. Spasmi quoque et deliria, siccitas linguae et cutis, aliaque eiusmodi symptomata febris vehementiam manifestarunt. Praescriptum est aegroto infusum radicis valerianae minoris cum cremore tartari, ac datum ipsi est clyisma emolliens et anodynum. Insecuta est placida nox febrisque exceptata remissio.

Die

Die XXI Dec. deligationis adparatus prima vice mutatus est. Inuenimus initium suppurationis bonumque vulneris habitum. Adplicauimus vulneri offis linteum carptum essentia succini humectatum, labiis vero integumentorum plumaceola vnguento e vitellooui et vnguento basilico parato illita.

Die XXII. Dec. deligatio instituta est eodem modo. Adfuit larga suppuratio. Accepit aegrotus decoctum corticis peruuiani et radicis valerianaee minoris.

Die XXIV Dec. Ad promouendam exfoliationem os impletum est linteo carpto balsamo FIORAUANTI humectato, integumentorum vero labia obtecta sunt plumaceolis imbutis vnguento antea memorato, cui additae erant guttulae aliquot essentiae myrrhae. Continuatus est usus corticis peruuiani et radicis valerianaee minoris, aluique depositio clysmatibus excitata est.

Die XXVI Dec. bona suppuratio adparuit in vulnere. Pulsuum ictus numeravimus CXX, et si nullum febris indicium superesset.

Conti.

Continuato per aliquod tempus corticis peruviani vſu et adhibita diaeta nutrita ac roborante vires aegroti in dies fere increuerunt. Cum robore corporis aucto increuerunt quoque vires animi, adeo, vt puer, qui stupidissimus antea fuerat, nunc ad quaeſtiones ipſi propositas bene responderet, ipſeque peteret, vt ratio literas in syllabas cogendi liberosque legendi ipſi traderetur. Quod ad vulneris statum spectat, suppuratione bona atque laudabili enata et educta festuca ossea sponte prodeunte, granulationibus redintegratae sunt amissae partes tandemque formata est cicatrix, ita vt sub finem mensis Februarii puer sanus ac vegetus ad pagum suum reuertetur. Monendum vero est, per totum fere curationis tempus externe tum adhibitum esse decoctum corticis peruviani cum melle rosarum et guttulis aliquot effentiae myrrhae mixtum, tum pro re nata applicatum esse linuum carptum siccum, tandemque ad promovendam cicatricis formationem in vſum vocatam esse aquam calcis viuae lapidisque infernalis ad marginem vulneris admotionem.